

Ana Patricia Torres Madureira, na súa condición de voceira do Grupo Provincial Popular na Deputación de Ourense, con base ao previsto nos artigos 91 e 97 do ROF, e de acordo á Lei de Base Reguladora do Réxime Local e o Regulamento da Corporación, presenta a seguinte **MOCIÓN RELATIVA A DIFÍCIL SITUACIÓN QUE ESTÁ A ATRAVESAR O GRUPO INDEA (ANTIGO HISPAMOLDES) E, EN XERAL, O SECTOR AUXILIAR DE AUTOMOCIÓN NA PROVINCIA DE OURENSE** para o seu debate no pleno da corporación, tendo en conta a seguinte

EXPOSICIÓN DE MOTIVOS:

En Galicia, e concretamente en Ourense, o sector da automoción é estratéxico por a súa proximidade a industria viguesa.

No ano 2023 a industria aportou o 16,2 % ao PIB galego. Agora mesmo emprega directamente a 24.800 persoas e a facturación do sector está ao redor 13.000 millóns de euros, con 9.400 millóns de exportacións.

En Galicia prodúcese un de cada catro vehículos ensamblados en España pero, a pesares destes datos, o sector enfróntase á incerteza debido á electrificación, á aposta por unha mobilidade máis sostible, novas normativas e á competencia de países cun baixo custo de produción.

En Ourense cabe destacar o peso das empresas auxiliares da automoción como o é grupo ourensán Hispamoldes, formado polas empresas HISPAMOLDES (San Cibrao das Viñas), HISLASTI (Pereiro de Aguiar), PLÁSTICOS DE PALENCIA, GRUPO HISPAMOLDES TANGER (Marrocos) e MOLDES DE MÉXICO AUTOMOVITE INDUSTRY (México), cunha facturación de 31 millóns de euros no ano 2017.

Conta cun persoal de 350 empregados repartidos nas súas catros plantas, tres delas en España, e entre os seus clientes figuran compañías como Volkswagen, Plastic Omnium, o Grupo Samvardhana Montherson ou Kostal. Converténdose en provedor de primeiro nivel no sector da automoción e

poñendo a provincia de Ourense no mapa como referente na inxección de pezas termoplásticas, fabricación de moldes e ferramentas para a inxección.

Foi no mes de febreiro do ano 2023 cando a empresa italiana de compoñentes para a automoción SAPA, especializada en inxección de plástico, consumou a súa entrada en España coa adquisición de HISPAMOLDES por QUARZ INVERSIÓN, fondo de inversión fundado no 2019 por Critian Abelló, que se fixo coa maioría de capital e que se integrará en SAPA.

Esta integración do provedor ourensán HISPAMOLDES en SAPA, supón a entrada do grupo nos mercados español e marroquí. Este movemento no mercado das empresas auxiliares de automoción na provincia de Ourense trae consigo o cambio de nome da compañía, que pasará a denominarse GRUPO INDEA.

A partir desta adquisición por parte deste fondo de inversión, e a cada día peor situación da industria auxiliar da automoción, -dado que é un sector que se ve afogado debido a ausencia de carga de traballo e a posible descentralización da produción de compoñentes-, impacta de cheo nas condicións laborais do persoal, que se ven sumidos en ERTES e despidos.

Os empregados vense na obriga de mobilizarse xa que ven que as empresas están a sufrir un desmantelamento e que non se aposta pola provincia.

As industrias que operan en Ourense están pendentes dos pedidos que non chegan de empresas como Stellantis, que se acaba de beneficiar dos fondos europeos a través do PERTE do vehículo eléctrico, pero que non está reflexando ese apoio en Galicia e neste caso en Ourense, se non derivando eses fondos a lugares onde máis barato lles sexa producir.

Está claro que tanto os fabricantes, os provedores e as Administracións Públicas teñen que ter en conta que unha industria configúrase con proxectos e con actividade industrial, e non se debe permitir que un motor tan importante



para Galicia e para a nosa provincia sexa desmantelado, debendo protexer o sector fronte a outras potencias.

En virtude de todo o exposto, o Grupo Provincial Popular propón ao pleno os seguintes

ACORDOS:

- 1.- Instar ao Grupo Indea (antigo Hispamoldes) a garantir o mantemento dos postos de traballo do persoal que actualmente forma parte da empresa.**
- 2.- Instar a Xunta de Galicia que reclame ao Goberno Central a transferencia dos fondos dos PERTE industriais ás comunidades autónomas.**
- 3.- Instar a Xunta de Galicia que reclame ao Goberno Central que deseñe convocatorias de axudas para as empresas auxiliares da automoción que garantan o emprego local e eviten a deslocalización.**

Ourense, 6 de setembro de 2024.

44468060K ANA Firmado digitalmente
PATRICIA por 44468060K ANA
TORRES (R: PATRICIA TORRES (R:
V32237471) V32237471)
Fecha: 2024.09.06
10:00:48 +02'00'

Asdo. Ana Patricia Torres Madureira.

SR. PRESIDENTE DA DEPUTACIÓN PROVINCIAL DE OURENSE